

MINISTERIO DA PRESIDENCIA

10082 *ORDE PRE/1764/2006, do 5 de xuño, pola que se modifica o anexo A do Real decreto 49/1993, do 15 de xaneiro, relativo aos controis veterinarios aplicables nos intercambios intracomunitarios nos produtos de orixe animal. («BOE» 135, do 7-6-2006.)*

A Directiva 89/662/CEE do Consello, do 11 de decembro de 1989, relativa aos controis veterinarios aplicables nos intercambios intracomunitarios con vistas á realización do mercado interior, ten como obxectivo final limitar os controis veterinarios ao lugar de partida mediante a harmonización das exixencias esenciais dos controis para garantir a protección da saúde pública e animal, que ata a data se efectuaban nas fronteiras, abrangendo o conxunto das mercadorías que posuían e reunían requisitos veterinarios.

O Real decreto 49/1993, do 15 de xaneiro, relativo aos controis veterinarios aplicables nos intercambios intracomunitarios nos produtos de orixe animal, incorporou ao dereito interno a Directiva 89/662/CEE do Consello, do 11 de decembro de 1989.

Esta Directiva foi modificada pola Directiva 2004/41/CE do Parlamento Europeo e do Consello, do 21 de abril de 2004, pola que se derroga determinadas directivas que establecen as condicións de hixiene dos produtos alimenticios e as condicións sanitarias para a producción e comercialización de determinados produtos de orixe animal destinados ao consumo humano e se modifican as directivas 89/662/CEE e 92/118/CEE do Consello e a Decisión 95/408/CE do Consello.

Mediante esta disposición incorpórase parcialmente ao noso ordenamento xurídico a Directiva 2004/41/CE do Parlamento Europeo e do Consello, do 21 de abril de 2004.

Na súa tramitación foron oídos os sectores afectados, consultadas as comunidades autónomas e emitiu informe preceptivo a Comisión Interministerial para a Ordenación Alimentaria.

Esta orde dítase ao abeiro do disposto na disposición derradeira primeira do Real decreto 49/1993, do 15 de xaneiro.

Na súa virtude, por proposta das ministras de Sanidade e Consumo e de Agricultura, Pesca e Alimentación, de acordo co Consello de Estado, dispoño:

Artigo único. *Modificación do anexo A do Real decreto 49/1993, do 15 de xaneiro.*

O anexo A do Real decreto 49/1993, do 15 de xaneiro, relativo aos controis veterinarios aplicables nos intercambios intracomunitarios nos produtos de orixe animal, substitúese polo seguinte:

«ANEXO A

CAPÍTULO I

Real decreto 1976/2004, do 1 de outubro, polo que se establecen as normas zoosanitarias aplicables á producción, transformación, distribución e introdución dos produtos de orixe animal destinados ao consumo humano.

Regulamento (CE) n.º 853/2004 do Parlamento Europeo e do Consello, do 29 de abril de 2004, polo que se establecen normas específicas de hixiene dos alimentos de orixe animal.

CAPÍTULO II

Real decreto 2551/1994, do 29 de decembro, polo que se establecen as condicións de sanidade animal e sanitarias aplicables aos intercambios e importacións de produtos non sometidos, con respecto a estas condicións, ás normas específicas no capítulo I do anexo A do Real decreto 49/1993, do 15 de xaneiro, e, polo que se refire aos axentes patóxenos, no Real decreto 1316/1992, do 30 de outubro.

Regulamento (CE) n.º 1774/2002 do Parlamento Europeo e do Consello, do 3 de outubro de 2002, polo que se establecen as normas sanitarias aplicables aos subprodutos animais non destinados ao consumo humano, e Real decreto 1429/2003, do 21 de novembro, polo que se regulan as condicións de aplicación da normativa comunitaria en materia de subprodutos de orixe animal non destinados ao consumo humano.»

Disposición derradeira primeira. *Habilitación normativa.*

Esta orde dítase de conformidade co establecido na disposición derradeira primeira do Real decreto 49/1993, do 15 de xaneiro.

Disposición derradeira segunda. *Incorporación de derecho da Unión Europea.*

Mediante esta orde incorpóranse ao dereito español os artigos 6 e 8 da Directiva 2004/41/CE do Parlamento Europeo e do Consello, do 21 de abril de 2004, pola que se derroga determinadas directivas que establecen as condicións de hixiene dos produtos alimenticios e as condicións sanitarias para a producción e comercialización de determinados produtos de orixe animal destinados ao consumo humano e se modifican as directivas 89/662/CEE e 92/118/CEE do Consello e a Decisión 95/408/CE do Consello.

Disposición derradeira terceira. *Entrada en vigor.*

Esta orde entrará en vigor o día seguinte ao da súa publicación no «Boletín Oficial del Estado».

Madrid, 5 de xuño de 2006.—A vicepresidenta primeira do Goberno e ministra da Presidencia, María Teresa Fernández de la Vega Sanz.

MINISTERIO DE AGRICULTURA, PESCA E ALIMENTACIÓN

10202 *REAL DECRETO 638/2006, do 26 de maio, polo que se modifica o Real decreto 1048/2003, do 1 de agosto, sobre ordenación do sector pesqueiro e axudas estruturais. («BOE» 136, do 8-6-2006.)*

O Regulamento (CE) n.º 2371/2002 do Consello, do 20 de decembro de 2002, sobre a conservación e explotación sustentable dos recursos pesqueiros en virtude da política pesqueira común, establece no seu artigo 13 o réxime de entradas e saídas da frota para reducir a capacidade total da frota pesqueira comunitaria.

Por outra parte, o Real decreto 1048/2003, do 1 de agosto, sobre ordenación do sector pesqueiro e axudas

estruturais, o cal desenvolveu o citado regulamento comunitario, establece no seu artigo 6 os tipos de baixas que se poden achegar para a construcción de novos buques.

Dentro dos ditos tipos non se recolle un suposto que consiste na posibilidade de achegar como baixa os buques que foron transferidos a outros países comunitarios, con cambio de pavillón.

Dado que este suposto é práctica habitual na Unión Europea, considérase necesario establecer esta posibilidade na regulación española, e realizar unha modificación do Real decreto 1048/2003, do 1 de agosto, para que recolla este suposto.

Así mesmo, modifícase o artigo 10 do Real decreto 1048/2003, do 1 de agosto, para regular a achega obrigatoria de baixas en supostos de transferencia de buques pesqueiros procedentes doutros países comunitarios con cambio de pavillón.

Na elaboración deste real decreto foron consultadas as comunidades autónomas e as entidades representativas dos sectores afectados.

Na súa virtude, por proposta da ministra de Agricultura, Pesca e Alimentación, de acordo co Consello de Estado e logo de deliberación do Consello de Ministros na súa reunión do día 26 de maio de 2006,

DISPOÑO :

Artigo único. *Modificación do Real decreto 1048/2003, do 1 de agosto, sobre ordenación do sector pesqueiro e axudas estruturais.*

O Real decreto 1048/2003, do 1 de agosto, sobre ordenación do sector pesqueiro e axudas estruturais, queda modificado como segue:

Un. Engádese un punto 5 ao artigo 6 coa seguinte redacción:

«5. Para a construcción de novas unidades ás cales non se lles concedese axuda pública, admitirse que a baixa ou baixas achegadas poidan ser transferidas a outro país comunitario co correspondente cambio de pavillón.»

Dous. O artigo 10 queda redactado do seguinte modo:

«Artigo 10.

A achega obrigatoria de baixas equivalentes nas condicións establecidas neste real decreto, aplicarase tamén nos supostos de importación de buques pesqueiros, transferencia de buques pesqueiros procedentes doutros países comunitarios con cambio de pavillón, así como nos supostos de alta na Lista terceira de embarcacións procedentes doutras listas do Rexistro de Buques e Empresas Navais, e aqueles buques que, estando de baixa definitiva no Censo da Frota Pesqueira Operativa, soliciten a súa reincorporación.»

Disposición derradeira única. Entrada en vigor.

Este real decreto entrará en vigor o día seguinte ao da súa publicación no «Boletín Oficial del Estado».

Dado en Madrid o 26 de maio de 2006.

JUAN CARLOS R.

A ministra de Agricultura, Pesca
e Alimentación,
ELENA ESPINOSA MANGANA

MINISTERIO DE INDUSTRIA, TURISMO E COMERCIO

10286 *ORDE ITC/1791/2006, do 5 de xuño, pola que se aproba o regulamento de uso do dominio público radioeléctrico por afeccionados.* («BOE» 137, do 9-6-2006.)

A radioafección constitúe unha actividade importante dentro das radiocomunicacións tanto polo número de usuarios que a practican sen máis obxectivos que a pura intercomunicación, como pola súa vertente de experimentación técnica e de propagación radioeléctrica.

A lexislación actual que regula a radioafección está constituída por un número importante de normas dispersas no tempo e con modificacións sucesivas que dificultan a súa aplicación, resultando conveniente o seu agrupamento e actualización.

Por outra parte, na Conferencia Mundial de Radiocomunicacións da Unión Internacional de Telecomunicacións celebrada en Xenebra o ano 2003, e de maneira continua nos grupos de traballo da Conferencia Europea de Administracións de Correos e Telecomunicacións (CEPT), adoptáronse diversas disposicións referentes ao Servizo de Afeccionados e Servizo de Afeccionados por Satélite, tendentes a harmonizar usos e procedementos a escala supranacional, disposicións que é necesario incorporar á regulación nacional destes servizos de radiocomunicacións.

O artigo 14 do regulamento de desenvolvemento da Lei 11/1998, do 24 de abril, xeral de telecomunicacións, no relativo ao uso do dominio público radioeléctrico, aprobado pola Orde do ministro de Fomento do 9 de marzo de 2000, e modificado polo Real decreto 424/2005, do 15 de abril, establece que o outorgamento e a duración das autorizacións para o uso especial do dominio público radioeléctrico, así como as condicións exixibles aos seus titulares, se establecerán mediante orde.

Solicitouse, na elaboración desta norma, o trámite de aprobación previa polo Ministerio de Administracións Públicas, de acordo co previsto no artigo 67.4, en relación co artigo 66 da Lei 6/1997, do 14 de abril, de organización e funcionamiento da Administración xeral do Estado.

Na súa virtude, dispono:

Artigo único.

Apróbase o Regulamento de uso do dominio público radioeléctrico por afeccionados que se insire a seguir.

Disposición adicional única. Modificación do Cadro Nacional de Atribución de Frecuencias.

Modifícase a nota de utilización nacional UN-100 do Cadro Nacional de Atribución de Frecuencias aprobado pola Orde ITC/1998/2005, do 22 de xullo, que queda redactada como segue:

«A banda de frecuencias 50,0 a 51,0 MHz poderá ser utilizada polos radioafeccionados en territorio nacional baixo as condicións da nota 5.164 do Regulamento de radiocomunicacións compatibilizando o seu uso coas emisións de televisión nesta banda. Esta utilización ten a consideración de uso especial.

O uso desta banda por radioafeccionados non poderá causar interferencia prexudicial a estacións de televisión dos países veciños nin reclamar protección fronte á interferencia procedente delas.

Véxase a nota UN-15.»